

تورک یوردی

ناشری : تورک یوردی

مدبری : آق چوره اوغلی یوسف

۱۳۳۱ صای ۱۰ ۱۶ تموز ۱۳۳۱ ییل ۴ جلد ۸ صای ۸۸

④

74

حلولیلہ شرفیاب اولدیغمز مبارک اوروج آخی دین قارده شلریمزه تبریک ایدرکن
منصف ودور اندیش ذوات کرامه بوناچیز مطالعه لریمزه عرضنه لزوم کوریورزه.

ربنا لاتؤاخذنا ان نسينا او اخطانا

ربنا ولا تحمل علينا اصرآ کما حملته على الذين من قبلنا

ربنا ولا تحملنا ما لا طاقة لنا به واعف عنا و اغفر لنا وارحنا انت مولانا

عالمجامه الادریسی

تورک قادینلرینک خسته باقیجیانی

عثمانلی انتباه ملیسی متعاقب تورک قادینی، ارککلرک برچوق مشکل وظیفه.
لرینه، معاونت ایتمک اوزره اجتماعی حیات صحنه سنه بر عنصر ضروری اوله رق
چیقدی. بیز، تورک قادینی بر موبیلیه ویاخود فائده لی برزینت طاقی اعتبار
ایدن اسکی فکرلره اصلا اشتراک ایدنلردن دکلز. حال حاضرده تورک قادینی، منافع
عمومیه یه خادم مؤسسات عثمانیه نك هپسنده یورولق بیلمز بر فعالیت کرسر.
مکده در. شو صوک سنه لره قدر یالکزار ککلرک دائره اختصاصنده ظن اولونان
برچوق امور، قادینلرک سحارالری طرفدن بک زیاده موفقیتله اداره اولنمقده در.
هلال احمرک خاعلر شعبه سی هر درلو تقدیراته شایان بر غیرت وفدا کارلقله
چالیشیور. هلال احمر قادینلر دارالصناعه سنده محترم هلال احمر جمعیتی
تحت اداره سنده بولنان متعدد خسته خانه لره، بول بول توزیع ایدیله جک قدر
چاشیر ویتاق طاقلری حاضر لانیلیور. حرب میدانندن کن بیکلرجه قهرمان
غازیلریمزه شفقتلی تورک خانملرینک اعمال ایتدیکی اشیا والبسه ایله اورتیلوب
کیندی ریلیور. پاره طوبلایوب طول و محتاج قالان عسکری عائله لرک معاونتته

شتاب ایملک ایچون تورک خانملری مسامره لر ، اکلنجه لر و پیاقولر ترتیب
ایدیورلر. تراموای، تیاترو و باغچه لرده راست کلدیککز او ظریف سیاه کولکلر،
الرنده اعانه قوطوسی اولدینی حالده، سزه توجه ایدرو شهید اولش عسکرلریمزک
مینی مینی یاورولرینه حیاتی ده آ ز صیقنتیلی قیلمه یه یارایه جق بش اون باره ویرمکزی
رجا ایدرلر .

بو مقاله ده مقصدم ، « تورک یوردی » نك محترم قارئلرینه تورک قادینتك
خسته باقیجیلقدمة کی خدمت و موفقیتلرینی عرض ایتمکدر. جنال اوغلی خسته
خانه سنده جراحلق مأموریتده تورک خانملرینی ده یقیندن تدقیقه فرصتیاب
اولدینم جهتله قارملریمه تخیلات دکل مشهودات و حقایق اظهار ایدم بیله جکمی
ظن ایدیورم.

بسیم عمر پاشا حضرتلرینك تحت اداره واقفانه لرنده قدرغه خسته باقیجی
مکتبنك کشادینی وچکن سنه بر جوق مؤسسات صحیه طرفدن پایتخت خانملرینه
ویریلن تدریساتی متعاقب تورک قادینتك مکمل برخسته باقیجیسی اوصافی حائز بولندینی
وعلی الخصوص غایت شفقتکار اولدینی تظاهر ایتمشدر. نه درجه خلوص وفدا
کارلقه حرکت ایتدیکنه قناعت حاصل ایملک ایچون تورک قادینتی بر دفعه بر
مجر و حك باشی اوچنده کورمك کافیدير. مادرانه اهتماملری و محبت و طبع
حسلری تلقین ایتمك صورتیه مجروحلرك الك آجی آغریلرینی تخفیف و تسکین
اوفرنده بوتون حسیات محبتکارانه سنی، بوتون روحنی بذل ایدیور. یومشاق
وطاتلی سسیله بك آغیر یارالشمش زواللی عسکرلرك قوه معنویه سنی یوکه لیور،
و آغریلرینه تحمل قوتی ویریور. الك وخیم صورتده مجروح اولانلر بیله
کندیلرینه باقان خانملرك مسعود تلقیناتی نتیجه سنده عالی بر توکل ایله بزم عملیات
جراحیه مزه تسلیم نفس ایدیورلر. عملیات زماننده دشمنی ملک الصیانه لرینك
تسلیمت صدالرینی بکلیورلر، و شفقت همشیره لرینك کوزلرنده ، نشر آجیسنه
ویا خودکی آلتلرینك یاقیسنه، استحقاقارایله باقه بیلیمك جسارتی آرایور و بولیورلر.

متین وجسور خسته باقیچی تورک خانمی عسکر قارداشلرینک اللرندن طوته رق اوکا اعتماد و باخصوص صبر و تحمل تلقین ایدیور. پانسمان بیتدکدن صوکره خسته عسکر جککر، مؤثر و بعضاً وطنه عاٹد طاتلی امیدلرله طولو سوزلریله جریحه لرینک آجیلرینی اونوتدیران، سوکیلی همشیره لرینه طاتلی و ممنون باقیشلریله تشکر ایدیورلر.

بزم نصیحتلر مزه مخالفت کوسترن بعض یارالیلر، عملیاتک مشوم نتایج تولید ایدمک لطفلرله مانع اولمق و اونلری اولوم تهله کسندن قورتارمق ایچین اجرا ایدلدیکی خوش و ملایم سسلریله افهام ایدن مشفق همشیره لرینک سوزلرینه قولایلق و ممنونیتله اطاعت و انقیاد ایدیورلر.

بریده برخسته باقیچی خانمک، محاربه ده آغیر یارالانمش زواللی بر عسکرک یاننه او طورمش، کمال نزا کتله اوکایمک و یردیکنی، جنسکاوراجداد مزک حیات قهرمانانه لرینه دائریاواش یاواش حکایه لر آکلاندیغنی کورورسکیز، بر آز اوتده دیکر برخانم باشقه بر مجروحک توالتنی یا بمقله مشغولدر: اللرینی ییقایور، طیرناقلرینی کسور، حتی وطن اوغورنده استحقاق حیات ایدن سوکیلی عسکر قارداشک آياقلرینی ییقامقدن ده چکینمیور. خسته لری صویندیروب کیندیرومک وظیفه سیله مکلف، اوچنچی برخانم کمال حلم و ملایمتله یارالیلرک قانلی وده لیک، ده شیک جا کتلیرینی یاواش، یاواش چیقارییور، و بو وظیفه سی حرب میداننده قانی دوردیرتمق ایچین یاییلان برنجی پانسمانی بوزمامه یه فوق العاده اعتنا ایدمک و مجروحک اضطرارینی تشدید ایدمک هر درلو حرکاتدن صوک درجه صاقینه رق بیوک بردقت و مهارتله اجرا ایدیور.

خسته باقیچیلرله دهها زیاده کسب معلومات و ممارسه ایدن دیکر خانملر عملیات سالوننده آلات و ادوات جراحیه یی احضار و ترتیب ایتمک وظیفه سی ایفا ایدیورلر. بونلر پانسمان اشیاسنک صورت تخیزینه و آسه پسی ایله آتقی سه پسی یه عاٹد قواعد و تمایله واقف اولدقلری کبی آلات جراحیه یی و اجرای عملیات اولنه جق

نواحی بی احضارده هر درلوتقدیره لایق بر سرعت وانتظام کوسترمکده درلر. نازک و ماهرالری پانسمان عملیاتنک متنوع اینجه لکترینی بویوک براوسته لقله اجراده جدی ممارسه کسب ایتمشدر. اونلر اولماسه ایدی، بزم نظارت و اداره مزه تودیع ایدلش (۳۵۰) دن فضله مجروحك هر کونکی تداویسنه باقیلماشنه حقیله موفق اوله بیله جکمز شهبه لی ایدی. عجله زمانلرده وطوغرودن طوغرویه بزم مراقبه مز آلتند اولمق اوزره عملیات اجرا ایدیله جك خسته لرك ابطال حس عملیه سنی بیله یاییورلر، قلوروفورم و اثر قوقلا تمقده یکی ایشه باشلایان مسلکداشلیرمز قدر مهارت کوستریورلر. فی الواقع خانلریمز وظیفه لرنده بك زیاده متیقظ و دقتلیدرلر.

اوبراطور کیتدکدن صوکره سیلان دم و یاخود غیر مترقب بر بایلمه کبی مجروحك حیاتی تهلیکه یه القا ایدن بر حال وقوعه کلیرسه نوبنجی هکیمك ورودینه قدر تورك خسته باقیجی خانمی قانایان یارانی قاباتما یی، تحت الجلد قافه نین و یاخود کافورلی یاغ شریفه ایتمکی بیلیر و بو جسور حرکتیه بر عسکری محقق بر تولومدن قورتاریر.

والحاصل حال حاضرده خسته لره باقان خانلرمز، خسته خانه لرده ایفا ایدیلکده اولان وظیفه لرك روحی تشکیل ایدیورلر، اونلر حاضر اولقسزین هیچ برشی یایمق قابل دکل، اونلرك اوراده بولونمسی بر ضرورت قطیه شکلی آلمشدر.

اورنك اوله بیله جك بو خانلر یاننده دها آذ تعلیم و تربیه کورمش دیگر خانلر، لوحه یه بر آذ کولک و یرپورلر ایسه ده، آذ بر زمان اینجده کالک استحصالی ممکن اولمادینی دوشونملیدر، ذاتاً بوتون قانونلرك استثناسی یوقیدر؟ بونکله برابر شهبه ایدیله ملیدر که بزم خانلرمز، هر امور خیرییه استعداد و تمایل مخصوصلری سائقه سیله آذ بر مدت ظرفنده حیات اجتماعیه ده بك بیوک ترقیاته مظهر اوله جقلر و حتی یقینده اوتیز و ضرورلی آوروپا قادینلرینه نمونه تشکیل ایده بیله جکلردر. یارادیلشندن علوجناب صاحبی، صداقت وفدا کارلق حسلیله

متحسس بولونان تورك قادىنى خسته باقىجى آوروپالى همجنسلىرىنه چابوق تفوق ايدم بيله چكدر. تواضع، حسن اخلاق واطاعتى سايه سنده تورك خانمى طريق مدنيتده پك بيوك خطوملر آتەجق واو زمان آوروپايە كال افتخارله ديه جكز كه تورك قادىنى ظن ايتديككز كې فائدملى بر او اشياىى دكل، حيات خصوصيه واجتماعيه ده انسانه الزم وقيمتدار بر آرقداشدر.

شيمدى مقتدر دوققورعلى درويش بكك تحت اداره ونظارتنده بولنان جنال اوغلى هلال احمر خسته خانه سنده كى بر تورك خانمك مساعى جدولى كوره لم:

من		الى	
د	س	د	س
	۷	۸	مساعى
	۸	۳۰	سوت
۳۰	۸	۳۰	۱۲ مساعى
۳۰	۱۲	۳	طعام واستراحت
	۳	۴۵	۸ مساعى
۴۵	۸	۳۰	۹ طعام واستراحت
۳۰	۹	۳۰	۱۰ مساعى
۳۰	۱۰		ياتقى

بو جدولدن خسته باقىجى بر تورك خانمك حيات خصوصيه سنى كورن بى طرف وعادل بر منقد، خسته خانه لرده تورك خانمك هلال احمر وظائفنه حصر حيات ووجود ايدم رك بتون قوت وذكاسنى مدهش حريك قربانلىرى اولان زواللى عسكرلرك تسلى وتداويسنه صرف ايلديكنه قناعت ايدم چكدر.

دوققور ياهروب

نوركلك شولى

چنانق قلعه كيمده هيئت ادبيك عودتى. — اك مشهور اديب شاعر، محرد ورساملىمزدن مركب اولوب ۲۸ حزينانده چناق قلعه ميدان حربه عزيمت ايتش اولان هيئت ادبيه ۹ نموزده عودت ايتدى. هيئت اعضالردن بعضلى ايله كوروشدك، بزه پك